

А Ж Р И М

(жазони ўташдан муддатидан илгари шартли озод қилиш тўғрисида)

2025 йил август ойининг 08-куни, жиноят ишлари бўйича Ғаллаорол туман судининг очиқ суд мажлиси ўз биносида бўлиб, туман судининг раиси О.Эсановнинг раислигида, девонхона мудирини О.Пўлатовнинг котиблигида, Ғаллаорол тумани прокурорини ёрдамчиси М.Дўсбеков, Ғаллаорол тумани ИИБ ЖХХ Пробация гуруҳи катта инспекторини А.Қаршиев ва маҳкум Ф.Абсатовларнинг иштирокида, Ўзбекистон Республикаси ЖКнинг 73-моддасига асосан жазони ўташдан муддатидан илгари шартли озод қилиш ҳақидаги Ғаллаорол тумани ИИБ бошлиғининг тақдимномаси кўриб чиқилди.

Абсатов Фарход Сайдирахмонович (Absatov Farhod Saydirahmonovich), 09.06.1981 йилда Жиззах вилояти, Ғаллаорол туманида туғилган, миллати ўзбек, Ўзбекистон фуқаросини, маълумоти ўрта, оилали, уч нафар фарзандини бор, “Гулфина Истеъмол Сервис” О/Кда ишчи, муқаддам жиноят ишлари бўйича Ғаллаорол туман судининг 21.01.2025 йилдаги ҳукми билан, Ўзбекистон Республикаси ЖКнинг 122-моддасининг 1-қисми билан айбли деб топилб, 9 ой муддатга озодликдан маҳрум қилиш жазосини тайинланган, муқаддам жиноят ишлари бўйича Зафаробод туман судининг 02.04.2025 йилдаги ажрими билан, Ўзбекистон Республикаси ЖКнинг 74-моддасига асосан, 6 ой 19 кун муддатга озодликдан маҳрум қилиш жазосини шу муддатга ҳар ойлик иш ҳаққининг 10 фоизини давлат даромадигини ушлаб қолган ҳолда ахлоқ тузатиш ишлари жазосига алмаштирилган, Ғаллаорол тумани, “Кўйтош” ШФЙ, “Навоий” кўчасини 100-уйда яшайди.

Суд тақдимнома ва унга илова қилинган иш ҳужжатларини ўрганиб, тақдимнома бўйича тарафлар фикрини тинглаб, қуйидагиларни

А Н И Қ Л А Д И :

Ғаллаорол тумани ИИБ бўлимининг бошлиғининг тақдимномасида, маҳкум Ф.Абсатовга тайинланган ахлоқ тузатиш ишлари жазосининг ўталмай қолган қисминини ўташдан муддатидан илгари шартли озод қилиш сўралган.

Маҳкум Ф.Абсатов жиноят ишлари бўйича Ғаллаорол туман судининг 21.01.2025 йилдаги ҳукми билан, Ўзбекистон Республикаси ЖКнинг 122-моддасининг 1-қисми билан айбли деб топилб, 9 ой муддатга озодликдан маҳрум қилиш жазосини тайинланган.

Жиноят ишлари бўйича Зафаробод туман судининг 02.04.2025 йилдаги ажрими билан, Ўзбекистон Республикаси ЖКнинг 74-моддасига асосан, 6 ой 19



кун муддатга озодликдан махрум қилиш жазоси шу муддатга ҳар ойлик иш ҳаққининг 10 фоизини давлат даромадиги ушлаб қолган ҳолда ахлоқ тузатиш ишлари жазосига алмаштирилган.

Маҳқум Ф.Абсатовнинг 07.08.2025 йил ҳолатига ўталган жазо муддати 3 ой 5 кунни ва ўталмай қолган жазо муддати 3 ой 14 кунни ташкил қилади.

Суд, иш ҳужжатларини ўрганиб чиқиб, прокурорнинг ва Пробация гуруҳи инспектори А.Қаршиевнинг тақдимномани қаноатлантириш ҳақидаги фикрларини эшитиб, маҳқум Ф.Абсатовга тайинланган ахлоқ тузатиш ишлари жазосининг ярмини ўтаганлигини, жазо тури учун ўрнатилган тартиб-қоида талабларини бажариб келаётганлигини ва меҳнатга ҳалол муносабатда бўлганлигини инобатга олиб, тақдимномани қаноатлантиришни лозим топади.

Чунки, иш материалида Ўзбекистон Республикаси ЖКнинг 73-моддасида кўрсатилган тартиб-қоида талабларини бажарган ва жазони ўташдан муддатидан илгари шартли озод қилишни истисно этувчи ҳолатлар мавжуд эмас.

Ўзбекистон Республикаси Жиноят кодексининг 73-моддасининг 2-қисмига мувофиқ, жазони ўташдан муддатидан илгари шартли равишда озод қилиш ушбу модданинг биринчи қисмида кўрсатилган жазо турлари учун ўрнатилган тартиб-қоида талабларини бажарган ва меҳнатга ҳалол муносабатда бўлган маҳқумга нисбатан қўлланилади.

Ўзбекистон Республикасининг ЖК 73-моддаси 3-қисмининг “а” бандида, жазони ўташдан муддатидан илгари шартли равишда озод қилиш маҳқум ижтимоий хавфи катта бўлмаган ёки унча оғир бўлмаган жинояти учун суд тайинлаган жазо муддатининг камида учдан бир қисмини ҳақиқатда ўтаб бўлганидан кейин қўлланилиши мумкинлиги белгиланган.

Ўзбекистон Республикаси Олий Суди Пленумининг 2016 йил 27-декабрдаги “Жазони ўташдан муддатидан илгари озод қилиш ва жазони енгилроғи билан алмаштириш бўйича суд амалиёти тўғрисида”ги 28-сонли Қарорининг 19-бандида, жазони ўташдан муддатидан илгари шартли озод қилиш ёки жазони енгилроғи билан алмаштириш тўғрисидаги тақдимнома қаноатлантирилганда, маҳқумга, тегишлича, ЖК 73-моддасининг ўнинчи қисмида назарда тутилган қоидаларни тушунтириши лозимлиги ҳақида тушунтириш берилган.

Суд, юқоридаги қонун талабларидан келиб чиқиб, иш ҳужжатларини ўрганиб чиқиб ҳамда Ғаллаорол туман прокурори ёрдамчиси М.Дўсбеков, Ғаллаорол туман ИИБ Пробация гуруҳи вакили А.Қаршиев ва маҳқум Ф.Абсатовнинг тақдимномани қаноатлантириш тўғрисидаги фикрини эшитиб, маҳқум Ф.Абсатов жазо тури учун ўрнатилган тартиб-қоида талабларини бажарганлиги, меҳнатга ҳалол муносабатда бўлганлиги, қилмишидан пушаймонлигини, ҳозирда ўзига тегишли хулоса чиқариб олганлигини инобатга

олиб, уни ахлоқ тузатиш ишлари жазосини ўташдан муддатидан илгари шартли озод қилишни лозим топади.



Ўзбекистон Республикасининг Жиноят кодекси 73-моддаси ва Жиноят-процессуал кодекси 423, 536, 541-542-моддасига амал қилиб, суд

А Ж Р И М Қ И Л Д И :

Ғаллаорол туман ИИБ бошлиғининг тақдимномаси қаноатлантирилсин.

Маҳкум Абсатов Фарход Сайдирахмонович ўталмай қолган 3 (уч) ой 14 (ўн тўрт) кун ахлоқ тузатиш ишлари жазосидан Ўзбекистон Республикаси ЖК 73-моддаси 3-қисмининг “а” бандига асосан муддатидан илгари шартли озод қилинсин.

Ф.Абсатовга жазони ўташдан муддатидан илгари шартли равишда озод қилиниб, жазонинг ўталмаган қисми мобайнида қасддан янги жиноят содир этган шахсга нисбатан суд ушбу Кодекснинг 60-моддасида назарда тутилган қоидаларга мувофиқ жазо тайинланиши тушунтирилсин.

Ажрим нусхаси ижро қилишлик учун Ғаллаорол туман ИИБ Пробация гуруҳига юборилсин

Суднинг ажрими устидан ЖПКнинг 499-моддасида кўрсатилган шахслар, маҳкум ва унинг ҳимоячиси томонидан кассация тартибида хусусий шикоят, прокурор томонидан хусусий протест берилиши мумкин.

Раислик қилувчи

О.Эсанов

